


AWIG - AWIG
DESA PAKRAMAN SILUNGAN



DESA LODTUNDUH
KECAMATAN UBUD
KABUPATEN GIANYAR

PIDAGING
MAKA BANTANG AWIG-AWIG DESA PAKRAMAN SILUNGAN
MURDHA- CITTA

PRATHAMA SARGAH	ARAN LAN WAWIDANGAN DESA.....	2
DWITYA SARGAH	PATITIS PAMIKUKUH.....	2
TRITYA SARGAH	SUKERTA TATA PAKRAMAN.....	3
	Palet 1 Indik Krama.....	3
	Palet 2 Indik Prajuru/ Duluun Desa	8
	Palet 3 Indik Kulku.....	10
	Palet 4 Indik Paruman.....	11
	Palet 5 Indik Druwen Desa.....	13
	Palet 6 Indik Pamitegep.....	14
	Kaping 1 Karang, Tegal lan Carik	14
	Kaping 2 Pepayonan.....	16
	Kaping 3 Wewangunan.....	17
	Kaping 4 Wewalungan.....	17
	Kaping 5 Bhaya.....	18
	Kaping 6 Panyanggran Banjar.....	20
CATHURTAS SARGAH	SUKERTA TATA AGAMA.....	20
	Palet 1 Indik Dewa Yadnya.....	20
	Palet 2 Indik Resi Yadnya.....	25
	Palet 3 Indik Pitra Yadnya.....	26
	Palet 4 Indik Manusa Yadnya.....	32
	Palet 5 Indik Bhuta Yadnya.....	33
PANCAMA SARGAH	SUKERTA TATA PAWONGAN.....	35
	Palet 1 Indik Pawiwahan.....	35
	Palet 2 Indik Nyapian.....	38
	Palet 3 Indik Sentana.....	40
	Palet 4 Indik Warisan.....	42

SAT SARGAH	WICARA LAN PAMIDANDA.....	45
Palet 1	Indik Wicara.....	45
Palet 2	Indik Pamidanda.....	46
SAPTAMA SARGAH	NGUWAH-NGUWUHIN AWIG-AWIG.....	48
ASTHAMA SARGAH	SAMAPTA.....	49

MURDHA CITTA

AUM, OM

Om Swastyastu , Om Awighnamastu Nama Siddham.

Malarapan panghyangning Ida Sang Hyang Widhi Wasa, asung kerta nugraha ngawentenang kahuripan sakala niskala, ring Bhuwana Agung lan Bhuwana Alit. Manut dresta desane wantah pawakan pasayuban Krama Desa rawuhing kula warga pawongannya. Desane kamanggehang Bhuwana Agung, pawongannya sowang-sowang pinaka Bhuwana Alit.

Sotanin Bhuwana Agung desane wantah pawakan Bhawa maurip, jangkep saha Tri Hita Karananya, luwire :

ha. Parhyangan, sahananing kahyangan, panyiwian desa genah ngarcana Ida Hyang Parama Wisesa, maka jiwaan desane.

na. Pawongan, krama saha warga desa maka sami pawakan Bayu Pramana (Tri Kaya) mawinan desane sida molah maprawerti.

ca. Palemahan, tanah kakuwuban desa, sianggehang stula sariraning.

Adung patemon bhuwana kalih, larapan santa jagadhita , sinanggehang murdhaning prayojana pangriptaning Awig-awig Desa Pakraman ring sabha krama desa Pakraman Sifungan.

Pamutus sabha mucap pinaka sepet siku –siku pamatut, wastu prasida prayojanan mami kabeh prasama muwah amagehaken kadi linging Awig-awig iki.

PRATHAMA SARGAH

ARAN LAN WAWIDANGAN DESA

Pawos 1

(1). Desa Pakraman puniki mawasta Desa Pakraman Silungan

(2). Jeber kakuwub wawidanganmya mawates nyatur :

ha. Sisih Wetan ring Tukad Bengbeng.

na. Sisih Kulon ring Tukad Wos Lan Desa Pakraman Gelogor.

ca. Sisih Lor Banjar Klingkung Desa Pakraman Lodtunduh.

ra. Sisih Kidul Banjar Mawang Kaja Desa Pakraman Mawang

(3). Desa puniki kawangun antuk karang ayahan Desa miwah karang gunakaya sane

wantah tunggil Banjar turmaning kepah dados 2 tempek, luire :

ha. Tempek Kaler.

na. Tempek Kelod.

DWITYA SARGAH

PATITIS LAN PAMIKUKUH

Pawos 2

Desa Pakraman Silungan ngamanggehang pamikukuh luire :

ha. Pancasila.

na. Undang-Undang Dasar 1945.

ca. Paswara saking sang mawangrat nganinin indik Desa Pakraman.

ra. Tri Hita Karana manut sada cara Agama Hindu.

Pawos 3

Luir patitis Desa Pakraman Silungan :

ha. Mikukuhin miwah ngarajegang Sang Hyang Agama:

na Nginggilang tata prawertian magama:

ca. Ngarajegang kasukertan Desa saha pawonganannya sekala lawan niskala.

TRITYA SARGAH

SUKERTA TATA PAKRAMAN

Palet 1

Indik Krama

Pawos 4

- (1). Sane kabawos Krama Desa inggih punika kulawarga sane maagama Hindu saha ngemong karang Desa utawi karang gunakaya.
- (2). Sajaba punika sinaggeh tamiu, sane kabinayang dados kalih; sane maagama Hindu miwah tiyosan ring maagama Hindu.
- (3). Indik tamiyu punika manut pararem.

Pawos 5

Krama Desa wenten 4 (petang) , luire :

ha. Krama ngarep, kulawarga sane ngamong karang ayahan Desa, karang gunakaya miwah carik.

na. Krama pangempian, kulawarga sane ngamong karang kemawon tanpa carik.

ca. Krama Balu, kulawarga sane katinggal seda olih lanangnnya utawi istrinnnya, utawi sangkaning sapihan.

ra .Krama tapukan, kulawarga manut aksara ha, utawi na ring ajeng sakewanten durung antes ngayah (durung mayusa 17 warsa) utawi salamu kanton masekolah malarapan ilikita pastika sakeng sekolahnya, manut pararem.

Pawos 6

Kawit dados Krama Desa :

ha.Sangkaning ngamong karang utawi pacatu.

na.Mawiwit pawiwahan.

Pawos 7

Panamaya tedun Makrama Desa :

ha. Sasih kasanga (wus panyepian) nemonin paruman Desa mawiwit pawiwahan.

na. Ngawit jenek mapaumahan sangkaning ngamong karang / carik.

Pawos 8

Sahanan Krama Desa sami keni tategenen (ayah-ayahan) :

ha.Ayah nyumek, mapiteges ayahan mamungkul urunan mamungkul saking krama ngarep.

na.Ayah pangempian, mapiteges ayahan miwah urunan pateh kadi krama ngarep.

ca.Ayah balu, luire :

1). Balu ngarep, ayah miwah urunan mamungkul.

2). Balu pangempian, kaundul olib ayah pangarep.

ra. Ayah tapukan.

ka Prade rikalaning ngayah wenten sinalih tunggal Krama matilar tanpa sadok sadurung puput karya, wenang krama inucap keni pamidanda manut pararem, tanjek taler kawastanin.

Pawos 9

Swadharman krama sewosan ring tategenan luwire

ha. Tinut saturut ring sadaging awig-awig, pararem lan paswaran desa.

na. Tan maren ngutsahayang mangda Desane mrasidayang nyujur manut patitis.

ca. Tinut saturut ring guru wisesa.

Pawos 10

Swadharman tamiyu luire :

ha. Tinut saturut ring yasa kertin desane

na. Tan piwal ring sadaging awig-awig, pararem lan paswaran desa.

ca. Nyadokang raga ring prajuru arahina sasampun jumenek malarapan antuk ilikita pastika saking Desane utawi sang ngawawenang.

ra. Yan tan tinut pecang kairid (tan kadadosang jumenek ring Desa)

ka. Indik tamiyu manut pararem.

Pawos 11

Piotih - olihan krama :

- ha. Polih pasayuban sakala niskala tur kabawoéin saha katiwakin pamutus sahanan wicaranya.
- na. Nyarengin paruman tur wenang sareng mastikayang pamutus.
- ca. Kadadosang madeg prajuru, manut pararem.
- ra. Ayah tapukan arep, keni urunan manungkul, ayahan luput.
- ka. Prade rikalarang ngayah wenten sinalih tunggil Krama matilar tanpa sadok sadurung puput karya, wenang krama inucap keni pamidanda manut pararem, tanjek taler kawastarin.

Pawos 12

Krama desa kadadosang :

- ha. Mapoangkid utawi tan tedun :
- 1). Rikala ngarabin, mayadnya, matepetin sungkan, keluasan.
 - 2). Dados wantah apisan, sajawaning wenten kabebasan Prajuru / manut pangeloika.
- na. Nyada, mapiteges ngamademang ayah risampun mayusa 70 warsa tur tan dados nyuksukin, sang nyada (digelis) patut magentos ayah.
- ca. Nyade, utawi nyuksukin, sane kawenangang risampun mayusa 17 warsa tur mrasidayang nganutin Krama.
- ra. Nutug ayah antuk arta brana (naub) saantukan kajudi olih sang mawangrat utawi magenah ring dura desa (manut pararem).

Wusan makrama.

Pawos 13

Wusan dados Krama Desa, luire :

ha. Sangkaning :

- 1). Pinunas ngaraga, manawi kesah kadura desa utawi ngalangkungin sagara.
- 2). Kanorayang, duaning sampun tan prasida ngehehin solah maprawerti satata lempas ring kecaping Awig-awig.
- 3). Sang wusan makrama Desa mapiteges wusan makrama banjar, utawi wusan makrama Banjar taler mapiteges wusan makrama Desa, mangda sampunang kasinanggeh empak ngalanting.

na. Sang wusan makrama :

- 1). Patut ngaturang karang ayahan ka Desa, prade karang punika karang Desa.
- 2). Tan polih pah-pahan sangkaning padruweyan Desa.
- 3). Ayah lus / asuk sakadi ring pararem (manjing metu) dados makrama keni pamidanda.
- 4). Sang wusan pecak makrama prade tedun malih keni pamidanda, manut pararem.

ca. Sang wusan sangkanin kanorayang prade mawali malih patut :

- 1). Muntasang saluwir pamidanda utawi tategenan sanc ngranayang kanorayang.

- 2) Nunas geng pangampura ring paruman Desa maduluran panyangaskara panyapsap kaiwangan, dwaning nguwak pasubaya / pararem pecak.

Paket 2

Prajuru / Dulun Desa (Panglingsir)

Pawos 14

(1). Desa Pakraman Silungan kaenterang olih Bendesa Adat (Pakraman).

(2). Banjar kaenterang olih Klian Banjar.

(3). Bendesa lan Klian Banjar patut :

ha. Mawiwit saking krama wed.

na. Uning nyurat / ngawacen aksara Bali / latin.

ca. Uning ring paridikan Agama lan Pakraman (Sima).

ra. Uning ring tata titining mawa desa.

ka. Lascarya ngayah tur madruwe parilaksana sanc rahayu.

da. Kaadegang malarapan antuk kacatri olih parumanmya soang-soang nyabran 5 (limang) warsa, sawawaning wenten parindik tiis, tur dados kacatri malih.

ta. Maduluran Dewa saksi ring Pura Bale Agung.

Pawos 15

(1). Bendesa Pakraman kasangga olih :

ha. Patajuh pinaka wakilnya.

na. Panyarikan pinaka juru surat.

ca. Patengen pinaka pangamong druwen Desa.

ra. Kasinoman pinaka juru arah.

- (2). Kasinoman akehnya manut kawigunan saha magilir nyabran sasib.
- (3). Sajeroning ngenterang kasukerta niskala Bendesa mingsingghang Pamangku Kahyangan Desa utawi Sang Rumaga Sulinggih.

Pawos 16

- (1). Swadharmaning Bendesa Pakraman, luire :

ha. Ngenterang sadaging Awig-awig miwah pararem Desa.
 na. Nuntun tur ngenterang krama rawuhing warga Desa ngupadi manut patitis.
 ca. Mawosin kalih niwakang pamutus arep ring wicara krama / warga desa.
 ra. Maka duta Desa matemuang bawos ring sapa sira ugi.

Pawos 17

- Patias utawi olih –olihan Prajuru Desa luire :

ha. Luput rerampen (papeson)
 na. Polih tanding tengah.
 ca. Patias sewosan manut pararem.

Pawos 18

- (1). Prajuru Desa kagentosin riantuan :

ha. Seda.
 na. Kanorayang duaning iwang pamargi utawi nilar sesana.
 ca. Pinunas ngaraga.

- (2). Nganorayang utawi ngentosin Prajuru, patut sajeroning paruman tur kangkupan
 olih Krama Desa.

**Palet 3
 Indik Kukul
 Pawos 19**

- (1). Kukul ring Desa luire :

ha. Kukul Desa.

na. Kukul Banjar.

ca. Kukul Sekaa-sekaa.

- (2). Tabuh tatepakan kukul Desa :

ha. Duang tulud lambat, tengeran tedun ngayah

na. Atuludan bulus, tengeran kageni bhaya.

ca. Duang tulud bulus, tengeran kacolongan/ maling.

ra. Telung tulud bulus, tengeran ngamuk.

- (3). Tengeran kukul Banjar :

ha. Tigang klentungan banban, tengeran ngarorod / Pawiwahan.

na. Tigang klentungan ngempang, ngawangdeyang karya.

ca. Limang klentungan lambat, embas putra.

ra. Tigang tulud lambat, kalayu sekaran.

Pawos 20

- (1). Kukul Desa utawi Banjar tan wenang katepak yening tan sangkaning pituduh
 Prajuru Desa / Banjar sajawaning tengeran bhaya.

- (2). Sang nepak tan sangkaning pituduh Prajuru pátut digelis atur supeksa maka buatan panepake, yan tan asapunika wenang sang mamurug kadanda manut pararem.
- (3). Kulkul Sekaa-sekaa samaliha kulkul pondokan-pondokan tan kalugra nyawerin (matchin) sukat utawi tengeran kulkul Desa / Banjar, prade mamurug taler kadanda manut pararem.

Palet 4
Indik Paruman
Pawos 21

- (1). Paruman sangkepan ring Desa Pakraman Silungan wenten :

ha. Paruman Desa kawentenang :

- 1). Nyabran ngesasih, maka cihna tanpa arah-arah, duaning sampun tetep panamaya ring rahina Buda Kliwon.
- 2). Napkala (padgata kala) maka jalaran arah-arah manut tatujon, na. Sangkepan Prajuru / Dulun Desa, kawentenahg nganut wiguna.
- ca. Paruman Sekaa-sekaa manut pabuat.

- (2). Paruman Desa utawi Banjar madudonan sakadi ring sor :

ha. Prasida limaksana risampun katedunin olih sang patut ngamiletin, kamanggala antuk tengeran kulkul miwah mabusana nyalempot saha tan kalugra makta gegawan sakaluire, tan maren ngarcana ring ida Bhagawan panyarikan maka sarana Widhi Widana (cane).

na, maka sarana janggi, pangawit kalaksanayang panyacak sepsepan saha riwusannya nyacak naur dadosan gung alit manut pararem.

ca. Tan kalugra ngawetuang suara pora, byotan-byota, yan wenten asapunika
keni pamidanda bea pacamil kadi dandaning nguman-uman ring sabha.

ra. Pamutus bebawos beruk sapanggul (ingkup) punika kamanggehang.

- (3). Prade pidaging paruman tan kaingkupin mangda Prajuru Desa ngilikang
bebawos, suara sane makehan sinanggeh pamuput.

Pawos 22

- (1). Sajeroning paruman Desa, Bendesa patut nyobyahang pamargin ngenterang
Desa, pamekas nganinin indik :

ha Munjuk lungsuring pakraman saha ayah-nyahan desa, sulur arta brane
druwen Desa.

na. Rencana Prajuru nganinin usaha Desa kapungkur.

- (2). Pamutus paruman Desa sinanggeh pararem maka pamitegep daging awig-awig.

Pawos 23

- (1). Sangkepan Prajuru Desa kawenangannya wantah ngarincikang pangerancana
Desa kapungkur.

- (2). Sangkepan Prajuru Desa tan kawenang ngawedatang tatengen ring krama
sadereng kaingkupin wilih Krama desa ring paruman.

- (3). Pamutus sangkepan Prajuru Desa ngawetuang paswara, maka pidaging pituduh
sang ngawawenang utawi ngonekang pecak pararem Krama Desa.

Pater 5

Indik Druwen Desa

Pawos 24

Padruwen Desa Pakraman Silungan sakadi ring sor :

ha. Kahyangan Desa, luire :

- 1). Kahyangan Tiga
- 2). Pura Melanting
- 3). Pura Beji
- 4). Pura Prajapati
- 5). Pura Penataran Alas Arum.

na. Telajakan Pura.

ca. Karang ayahan Desa, munjuk lungsur saking 206 song karang ring ajeng

(krama arep 166 kulawarga krama pangempian 40 kulawarga).

ra. Setra

ka. Palaba Pura, luire :

- 1). Carik : 0,975 Ha. (manut ilikita)
- 2). Tegalan : 6,745 Ha. (manut ilikita).

da. Lelanguan , makadi tetabuhan lan ilen-ilen

- 1). Gong Druwen Desa

ta. Miwah padruweyan tiyosan.

Pawos 25

Pilih-olihan Desa Pakraman Silungan, luire :

- ha. Piilih-olihan saking palaba pura
- na. Urunan Krama Desa Pakraman.
- ca. Paica-paica saking Guru Wisesa.
- ra. Usaha Desa.
- ka. Paica-paica sane tiosan sane patut.

Pawos 26

- (1). Prajuru Desa wenang ngetangang pamupon Laba Pura lan sapanunggalannya druwen Desa.
- (2). Pikolih lan pamuponnya kaanggen prabeya piodalan saha weangunan ring Pura, miwah kabuatan Desa Pakraman.
- (3). Nyabran pasangkepan Desa, Prajuru pangamong druwen Desa nguningayang panindik munjuk lungsuring padruwen Desa ring Krama Desa.
- (4). Sakaluwiring druwen Desa patut wenten ilikitanannya.
- (5). Tan kalugra ngadol utawi ngesahang padruweyan desa yan tan kasungkemin olih Krama Desa ring Paruman.

Palet 6

Sukerta Pamitegep

Kaping 1

Karang, Tegal lan Carik

Pawos 27

- (1). Krama Desa pangamong Karang Desa miwah pakarangan guna kaya, patut ngawatesin karang inucap antuk tembok, pagahan / turus mangda pekantenannya asri.

- (2). Wates sisi kaler miwah kengin patut kakaryanin olih sang ngamong karang ayahan inucap, sane mawasta gegaleng kaluan, sajawaning tanah pacatu, tegal carik utawi tanah padruweyan ngaraga, sane kapiara watese sisi kelod miwah kauh utawi manut dresta reh punika mawasta gegaleng kateben.
- (3). Prade karasayang pagehan / turus inucap ngalikadin, yan pada arsa panyandinge, kengin watese nganggen pinget kewanten, kasaksinin olih prajuru ? Dulun desa utawi prasihna pal saking sang ngawawenang.
- (4). Prade wenten pamarginnya / pangutangan toyannya.
- (5). Tan kengin :
- ha. ngentungan luhu, wangken wewalungan kapakarangan/ tegal anak lian, kalih kamargine utawi katukade.
 - na. ngembahang toya wit saking bada wewalungan, kakus, pasiraman, paweragan kategal , carik, pakarangan, kamargine utawi katukade miwah sane siosan, sane ngawinang ambu kawon.
 - ca. Prade wenten sakadi ring ajeng keni pamidanda manut pararem.

Pawos 28

- (1). Sinalih tunggil Krama Desa / Banjar tan katugra :
- ha. Ngalah-alah margi, tegal / karang ayahan Desa, karang Desa , lsp.
 - na. ngalah-alah tanah, linggih kahyangan, Tegak Setra lan sakancan genah sianggeh suci.

- (2). Prade wenten sakadi ring ajeng, sang ngalah-alah patut ngawaliang tanah inucap saha keni pamidanda manut pararem kadulurin upacara ring pangalah-lah tanah suci.

Kaping 2

Pepayonan

Pawos 29

- (1). Ngawit nandur pepayonan tanem tuwuh patut adepa agung (1,5 M) ngajeroang saking wates, prade jantos ngaliwat wates wenang kasepat gantungan.
- (2). Yening wenten tetandurab ngungkulin, samalha mawastu mayanin kapisaga, patut kawara antuk paiguman ping ajeng prasida sang nruwenang wit, ngarebah utawi notor.
- (3). Prade sampun kawara taler tan wenten usaha sang nruwenang wit sang rumasa katetahan / kajerihan wenang masadok ring Prajuru tur risampun kaparitas kalugra ngicalang wit inucap, sakewanten befin pangorokan = upah ngebah patut katawur mant pangloika sane nepasin.
- (4). Sang keni pamidanda panyangaskara saha prabeya manut pararem arep ring wewangunan sang karubuhan luire :
- ha. Sang nruwenang wit sinanggeh mayanin, prade pungkut ngarubuhin wewangunan Krama Tios.
 - na. Sang notor, munggul utawi ngarebah taru tur ngerubuhin Krama Tios.
- (5). Prade wenten wit mentik sajeronin wates patut kapademang, mangda tan ngranayang wicara. Prade sampun ageng kapademang, wit punika pinara tiga:
- ha. Apah tiga katur ring sang nruwenang wit.

na. Apah tiga katur ring sang panyandingnya.

ca. Apah tiga katur ring Desa Pakraman.

- (6). Krama Desa patut ngamanggehang kawerdian tanem tuwuh sane ngawinang Desane becik tur asri.

Kaping 3

Wewangunan

Pawos 30

- (1). Nyabran ngawangun patut :

ha. masadok ring Prajuru, ping ajeng prade wewangunan nganinin wates.

na. Ngangge sukat tata bhumi miwah gagulak asta kosala-kosali, sanistane manut ring patitis niskala.

ca. Tan nyayubin kapisaga.

- (2). Prade wewangunan jantos nyayubin bilih-bilih temboke ring telengin wates, risampun kawara tur kasadokang ring prajuru wenang kadanda manut pararem saha tembok inucap kagubar utawi sanistane mangda kakaryang abangan.

Kaping 4

Wewalungan

Pawos 31

- (1). Sahanan warga Desa sane mamiara wewalungan, patut sayaga nitenin negul, ngalogor mangda tan ngarusak karang utawi paabianan krama tios, bilih-bilih jantos ngaranjing ngaletihin Kahyangan.
- (2). Prade wenten wewalungan malumbar utawi ngeleb ngarusak pakarangan / pabianan krama siwos, risampun kawara kengin kataban tur kadanda ngawaliang

wit sanc karusak saha nawur panebas papiaran tatabanan manut pangloika
Prajuru Desa.

- (3). Prade jantos ngaletihin linggih suci, minakadi paratrajan, risampun kaparitas
mabuhu agung (caru eka sata maduluran tebasan prayascita durnanggala) utawi
panca sata maulu itik belang kalung prade jantos ngeletihin kahyangan Tiga
utawi Pura Pamaksan.

- (4). Krama Desa patut nyanggra wewalungan miwah sarwa prani, tan kapatut
ngamademang paksi / mabedilan miwah nuba ulam miwah sanc tiosan.

Prade wenten malaksana sakadi purika keni pamidanda manut pararem tur
kaaturang ring sang ngawawenang.

Kaping 5

B h a y a

Pawos 32

- (1). Pari indik bhaya, luire : jiwa bhaya, artha bhaya (kapandangan) dura cara ring
Agama.
- (2). Sang manggihin kahanan jiwa bhaya, patut nepak kulkul bulus mapitulung manut
pawos 19 (2) aksara ra.
- (3). Prade ring Desa kahanan jiwa bhaya, patut Desane ngaturang butha yadnya tur
sang mayanin kaaturang ring sang ngawawenang.
- (4). Prade wenten jatna mamisuh utawi nguman-uman jatna tios, kakenin
pamidanda, beya pacamil, manut pararem.

- (5). Yening wenten jatma majengilan ring Bale Banjar, ring Pura utawi ring genah sane kasinanggeh suci, keni pamidanda manut pararem, maduluran panyangaskara prade sang majengilan kantos ngamedalang rah.

Pawos 33

- (1). Sang manggihin kahanan ring artha bhaya (kamalingan) patut nguikul mapitulung manut ring pawos 19 (2) aksara ca utawi sang kamalingan atur supekta ring Prajuru Desa sane patut pacang nimbangin utawi nandanin manut daging pararem saha mawuwuh panyangaskara prade wenten jatma ngamaling barang sianggeh suci.
- (2). Pratingkahe mapailon ring dusta kabawos saruron, prade wenten jatma manggihin maling tan nyadokang ring prajuru Desa jantos jatma tios nyaduang, patut kadanda kadi dandaning maling, sakweh pangaran wit manut cacakan banjar, tur prade jantos ping tiga malaksana asapunika wenang kasukserahan ring sang ngawawenang.
- (3). Prade wenten jatma ngarereh teramon miwah sane siosan, minakadi don kelapa, ron, tanpa sadok ring sang nruwenang wit, prade kacunduk (katara) patut kadanda kadi dandaning maling.
- (4). Yening wenten jatma tios ngranjing kapakubon wiadin pakarangan jatma tios rikala suwung, mawastu sang madruwe karang kaicalan, wenang jatma inucap katuwekang malarapan antuk madewa saksi ring Pura Bale Agung.
- (5). Mangda tan katuwekang manut ring ajeng, asing-asing ngranjing kapakubon jatma tios patut :

- ha. matengcran suara (makaukan).
- na. nyantos sang nruwenang karang rawuh utawi masadok ring pangapit pinih tampek, maka buatan pangaranjinge.
- ca. Pamedal karangnya kadagingin medaging sawen, makacihna pangarah rikala suwang.

Kaping 6

Panyanggran Banjar

Pawos 34

Krama Desa rikala ngawentenang karya suka duka patut kasanggra olih Banjar, luire :

- ha. Prade ngewangun Pitra Yadnya utawi Manusa Yadnya, manut pinunas sang mayadnya.
- na. Pangarombo utawi karya gotong royong Krama jantos ping tiga langkungan ring punika patut katuran pangu.
- ca. Pangu rikala Pitra Yadnya manut abot dangan yadnya, prade saking semengan ngantos wengi katuran pangu ping kalih.

CATHURTA SARGAH

SUKERTA TATA AGAMA

Palet 1

Indik Dewa Yadnya

Pawos 35

- (1). Palinggih panyiwian wawidangan Desa Pakraman Silungan, luire :

ha. Kahyangan Tiga, Pura Desa / Bale Agung, Pura-Puseh miwah Pura dalem lan Prajapati.

na. Pura Penataran Alas Arum.

ca. Pura Beji, Pura melanting.

(2). Rahina piodalan soang-soang Kahyangan inucap, kadi ring sor :

he. Ring Kahyangan Tiga luire :

1). Pura Desa / Bale Agung, rikala Saniscara Kliwon Kuningan.

2). Pura Puseh, rikala Saniscara Kliwon Kuningan.

3). Pura dalem lan Prajapati rikala Budha Wage, Langkir.

4). Pura Penataran Alas Arum, rikala Sukra Kliwon Pujut.

na. Pura Beji, rikala Sukra Kliwon Pujut.

ca. Pura Melanting, rikala Saniscara Kliwon, Landep.

(3). Pangaci ring Pura inucap manut kecap sastra Agama.

Saha kalaksangyang nista, madia, utama manut kawentenan lan pararem.

(4). Pangamong, soang-soang Pura manut dresta inggih punika Krama Desa Pakraman Silungan.

Pawos 36

(1). Ring soang-soang Pura inucap patut kaadegang Pamangku.

(2). Ngadegang Pamangku manut ring dudonan :

ha. Turunan

na. Kacatri olih Krama Desa.

ca. Nyanjan utawi masemurang, ring soang-soang Pura.

(3). Tan kawenang adegang Pamangku, luire :

- ha. Cedangga, luire peceng, perot, cungh lan sapanunggilannya.
- na. Sang sapa sira ugi sane tan kapatutang manut pararem.
- ca. Sakit ila, ayan, buduh wiadin edan.
- ra. Sane tan madrebe kasucian urip.

(4). Prabia kapamangkuan :

- ha. Adiksa Widhi (ngawinterin) lanang istri kamedalin saha kalaksanyang
 olih sang ngadegang, makadi krama Desa utawi pangempon pura soang-
 soang.
- na. Mapitra yadnya riwekas lanang wiadin istri patut kasungkemin olih Krama
 Desa utawi pangemong, sanistane Brahmaprayascita, panyanggrane manut
 pararem prade Yadnya inucap kalaksanayang olih wargan sira pamangku.
- ca. Sinalih tunggil krama yan wenten ngipik-ipik sapari polah pamangku,
 nanging pamangku tan sapunika pari polahnya kadi sane kaipik-ipik,
 wenang jadma inucap kasisipang nyuciang pamangku, manut pararem.

(5). Pamangku petut ngamanggehang sesananing Pamangku luire :

- ha. Ambek Dharma Sadhu;
- na. Asewaka Dharma, makadang sastra utama;
- ca. Tan parek ring naya dustha;
- ra. Tan atayub ring tarub cemara yudha;
- ka. Tan manjing ring umah wong banija karma;
- da. Tan manjing ring umah wong darati krama;
- ta. Tan wenang ajajuden;
- sa. Tan anginum asing angawe mada;

- wa. Tan pati pikul-pikulan;
- la. Tan salah suluh;
- ma. Tan wenang anayub upadrawaning cor, yan mawiyawahara teka wenang adewa saksi;
- ga. Tan griganing wong akweh;
- ba. Tan keneng cuntakaning wong len, sajawanin kulawarganya tunggil natah, utawi pasiwana manut dresta.
- nya. Tan wenang arabi wong balu / sapihan, istri larangan.
- (6). Prade mamunug, wenang Pamangku nyepuhin raga kasaksinin olih Prajuru Desa.
- (7). Yan pacang ngawalat rabi wenang ngaturang rumuhun pawintenannya, ring pura genahnya madeg pamangku nguni, tembenya wawu wenang ngawalat rabi, riwus upacara wenang ngawana wasa salaminya atahun, wus punika wawu mawinten lakibi kadi pawintenannya nguni.

Pawos 37

Swadarmen Pamangku luire :

- ha. Ngenterang upacara piodalan ring Kahyangan utawi ring soang-soang pakubon krama;
- na. Prade salah sirunggil Pamangku kapialang utawi cuntaka, kengin nguntap Pamangku kahyangan desa tiosan utawi nuwur sang sulinggih;
- ca. Samaliha yan sampun Pamangku ngayah ring Pura kancit wenten kulawarganya seda, Pamangku inucap tan keneng cuntaka sakewanten Pamangku tan budal salami piodalan

Pawos 38

Patias utawi olih-olihan Pamangku luire :

- ha. Panyelasan miwah sarin canang ring soang-soang pakubon Krama Desa.
- na. Luput pakaryan lan rerampen / reramon, padagingan (luput manuk)
- ca. Patias sewosan manut pararem.

Pawos 39

(1). Pamangku kagentosin riantukari :

- ha. Seda
- na. Pinunas ngaraga, manawi kageringan lan sapanunggalannya.
- ca. Kawusang olih Krama manawi malaksana sane tan patut.

(2). Prade Pamangku kawusang sangkaning malaksana tan patut keni pamidanda manut pararem saha ngawaliang prabeya pawintenannya pecak.

Pawos 40

Kasukertan Kahyangan kadi ring sor :

ha. Tan kalugra ngaranjing kapura, luwire :

- 1). Sang katiben cuntaka sebel ring raga utawi kapademan
- 2). Makta sahanan barang sinanggeh ngalechin.
- 3). Sato agung, sajawaning rikala mapepada.
- 4). Mabusane sane tan manut kadi tata caraning ngaranjing ka pura.
- 5). Sadereng polih wak-wakan (pituduh) saking Prajuru / Dulun desa.

na. Pratingkahe tan wenang ring Pura :

- 1). Masumpah (cor) sajawaning pituduh Prajuru / Dulun Desa;
 - 2). Wak parusya/ wakcapala makobetan, masasenengan, makolem dados asiki lanang-wadon, mabacin, mawarih, macecepin rare, mawiyawahara, nyangsang busana, menahin pusungan.
 - 3). Munggah tedun palinggih sajawaning pituduh Prajuru / Dulun Desa.
- ca. Sang mamurug kecaping ring ajeng, keni pamidanda pamerayascita sapatutnya (manut pararem).

Pawos 41

- (1). Yan wenten jatma karawuhan ring Pura, kengin kapintonin prade rumasa kasumangsayan , yan tan wiakti jatma inucap kasisipang manut pararem;
- (2). Prade Kahyangan kahanan durmanggala, minakadi keni bhaya, pamangku / sang manggihin patut digelis nyadokang ring prajuru mangda marumang Krama Desa tur ngawentenang pamerayascita sapatutnya.

Palet 2

Indik Resi Yadnya

Pawos 42

- (1). Sang pacang madeg pinandita minakadi balian sonteng, kubayan, dalang, sakeluwiring jagi ngenterang yadnya, patut masadok ring Prajuru desa utawi Parisada Hindu Dharma Indonesia.
- (2). Prajuru Desa patut ngawas nitenin tur wenang ngalangin prade wenten kacihman nyasar ring kakecap manut drestane, tur sareng yaksinin upakara saha nyiarang /

nyobyahang ring paruman Desa tegap rawuhing wates kawenangannya ngenterang yadnya.

- (3). Krama Desa patut ngaturang ayah sapamadey miwah ring pangalepas sang sulinggih riwekas katuntun olih prajuru / Dulu Desa.

Pawos 43

- (1). Sang Pinandita patut ngriyining muputang yadnya ring wawidangan Jagat Silungan, sasampune wawu muputang ka jebar tios jagat utawi ka Dura Desa.
- (2). Krama Desa sami patut sareng ngawas nitenin katuntun olih Prajuru / Dulu-dulu, mangda sahanan yadnya sanc kawentenang kaicen pamuput olih sulinggih utawi Pinandita manut kawenangannya soang-soang.

Palet 3

Indik Pitra Yadnya

Pawos 44

Pamargin Pitra Yadnya madudonan manut sakadi ring sor :

ha. Pangupakaran sang kalayu sekaran :

- 1). Antuk mendem utawi ngeseng, maka cilna pakingsan ring ibu pratiwi utawi ring geni, salami nuptupang prabeya;
 - 2). Atiwa-tiwa (upakara pangabenan / palebon) manut pararem patut kalanturang.
- na. Upakara-upakara Pitra Yadnya riwusan kaabenang patut kalanturang antuk ngaroras.

Swadarmaning lan tategenan prade wenten sinalih tunggil krama kalayu sekaran :

ka. Sang kaduhkitan patut :

- 1). Nyadokang ring Klian tur nunas tatimbangan ring kawentenannya;
- 2). Ngaturin Banjar ngarombo makarya eteh-ete , miwah salanturipun manut pararem.

na. Swadarmaning Banjar :

- 1). Klian Banjar maritatas pamargin sang kaduhkitan , napike pacang kapendem, makingsan riyin utawi lantur kaabenang;
- 2). Prade kapendem, raris kawentenang arah-arah;
- 3). Panyanggran Banjar salanturnya:

ha. soang-soang Krama Banjar ngamedalang patut manut pararem;

na. ngarombo ngaryanin eteh-ete sawasaha kaseringinoli Krama sane rawuh ngarombo.

ca. Sami Krama Banjar nganter ka setra jantos puput mapendem.

ca. Tan kengin ngalelet langkungan ring 7 (pitung) rahina, sajawaning pacang kaabenang tur patut polih pagebagan manut paetengan Klian Banjar manut pararem.

ra. Tan kalugra nginepang bang-bang;

ka. Tan kalugra mendem rikala : kala gotongan, semut sadulur, was panganten , kliwon / kajeng kliwon, pasah, prawani, tilem, purnama, ingkel wong, soma umanis toulu nemonin odalan ring Kahyangan Tiga ngawit saking ngalang sasih (nuasen), sajeroning uncal balung , rerainan jagat.

da. Prade wenten kalayu sekaran, rikala piodalan, kengin mendem tanpa sadok / tan
nyuwarayang kentongan / kulkul tur mamargi wengi sasiliban utawi ka setra
pakingsan.

Pawos 45

(1) Sane kasinanggeh kacuntaka sakadi ring sor :

- ha. Cuntaka antuk kalayu sekaran;
- na. Cuntaka antuk ngraja swala (sebel);
- ca. Cuntaka antuk ngembasing putra;
- ra. Cuntaka antuk karuron;
- ka. Cuntaka antuk sakit ila, buduh;
- da. Cuntaka antuk pawiwahan;
- ta. Cuntaka antuk gamia gamana;
- sa. Cuntaka antuk salah timpal;
- wa. Cuntaka antuk yaning wenten anak istri mobot nenten kaupakara
pabiukawonan miwah pawidiwidana;
- la. Cuntaka antuk mamitra ngalang;
- ma. Cuntaka antuk yening wenten anak istri ngawetuang putra sadurunge
kaupakara pabiukawonan miwah pawidi widana;
- ga. Cuntaka antuk sad tatayi.

(2) Sengker cuntaka manut kawentenannnya :

- ha. cuntaka kalayu sekaran, cuntakania manut sakadi loka dresta miwah sastra
dresta desa pakraman soang-soang;

na. Cuntaka ngraja swala, 3 rahina ngawit saking ngraja swala utawi salamaning kantun ngraja swala.

ca. Cuntaka ngembas putra, 42 rahina (abulan pitung rahina) ngawit saking putrane embas, utawi ngantos sampun kaupakarain makakambuhan tur maprayascita manut sakadi sastra agama, sane istri; sane lanang risampun kepus odel;

ra. Cuntaka karuron, cuntakania abulan pitung rahina (42 rahina) tur sampun matirta pamarayascita ring cangkem paon;

ka. Cuntaka sakit ila, buduh / edan cuntakanya manut ilikita pastika saking sang ngawawenang / sang nambanin miwah sampun mrayascita raga

da. Cuntaka pawiwahan, cuntakannya ngantos sasampune matirta pabiukaonan / makalan-kalan;

ta. Cuntaka gamia gamana, cuntakanya ngantos sasampune kapelasang / kapisahang tur sampun kawentenang pamerayascita raga miwah sampun kawentenang pamerayascita Desa Pakraman / Kahyangan;

sa. Cuntaka salah timpal, katepasin manut sastra Agama Hindu miwah dresta;

wa. Cuntaka anak istri mobot nenten kawentenang upakara pabiukawonan, cuntakanya ngantos kawentenang upakara pabiyukawonan.

la. Cuntaka mamitra ngalang, cuntakannya ngantos kawentenang upakara manut pararem;

ma. Cuntaka ngembas putra nenten kawentenang upacara pabiukawonan miwah upakara pawidiwidana, cuntakannya ngantos wenten sane mameras sang putra, tur sampun kawentenang upakara manut sastra Agama Hindu;

ga. Cuntaka Sad Tatayi, cuntakannya ngantos sampun maprayascita raga tur nenten pisah dados ngamunggahang pawintenan / padwijatan.

(3). Cuntaka kalayu sekaran / kapademan :

ha. Kependem cuntakannya :

- 1). Cuntaka / sebel Banjar rawuhing 3 rahina riwusan mendem utawi sasampun polih tirta prayascitta;
- 2). Kawulawargane sajeroning pakarangan jantos 42 rahina;
- 3). Sane sewosan manut pararem.

na. Kaabenang cuntakanya: sang nyambut karya pitra yadnya cuntakania ngawit saking nyambut padewasan , jantos riwusan mapegat kalanturang malih 3 (tigang) rahina.

(4). Sane katiben cuntaka luire :

ha. kalayu sekaran sane kacuntakan :

- 1). Sang sane kalayu sekaran;
- 2). Kawula wargania;
- 3). Babanjaran.

na. Ngraja swala sane kacuntakan :

- sang sane ngraja swala.

ca. Ngembas putra sane kacuntakan :

- Kawulawargania sane ngembasang putra lanang wiadin istri.

ra. Pawiwahan sane kacuntakan :

- sang sane kaupakera pawiwahan lanang wiadin istri.

ka. Sakit ila, buduh, sane kacuntaka raganya dewek.

da Karuron sane kacuntakan :

- Kawulawargania lanang wiadin istri.

ta. Gamia gamana sane kacuntakan :

1. Sang sane ngalaksanayang gamia gamana;
2. Desa Pakraman nyane / Kahyangan nyane.

sa. Salah timpal sane kacuntakan :

- 1). Sang sane malaksana salah timpal;
- 2). Kawulawarganya.
- 3). Desa Adat / Pakraman (Kahyangan).

wa Anak istri mobot nenten kawentenang upakara / pabiukawonan sane
cuntaka : sang sane maraga istri (sane mobot).

la. Mamitra ngalang sane kacuntaka :

- Sane ngalaksanayang mamitra ngalang.

ma. Ngembas putra nenten kawentenang upakara pabiukawonan miwah
upakara pawidiwidanan sane kacuntaka

- Sang sane ngembas putra;
- Putra sane embas.

(5) Tan keneng cuntaka, luire :

- 1). Sang Sulinggih lan Pamagku Kahyangan Tiga;
- 2). Rikala piodalan risampun ngalang sasih / ngalang tengah;
- 3). Prajuru Desa (kelian , patajuh, bendesa).

Pawos 46

(1). Atiwa-tiwa (pangabenan) kalaksanayang antuk :

ha. Sawa prateka, pangabenan mawatang sawa;

na. Nyawa resi, santukan tan ngagah sane kagentosin antuk sawa karesyan.

ca. Swastha; pangabenan mawtang sawa sane tan kakeniang kagentosin antuk lalang utawi toya.

(2). Panamaya pangabenan wenten kalih pawos :

ha. Ngaben dadakan / bah bangun, kadadosang sajeroning 3 (tiga) jantos 21 (duang dasa siki) rahina.

na. Ngaben ngamasa manut pararem.

(3). Dudonan pangabenan kawit saking ngagah (seda), ngeseng jantos pangiriman utawi nganyut.

Pawos 47

(1). Peputusan pangabenan wenten kalih pawos :

ha. Ngaben ngamasa, luire; beras, kelapa, gasing, papah, saang manut pararem;

na. ngaben dadakan manut pararem.

(2). Pangingune ring Krama banjar manut pararem.

Palet 4

Indik Manusa Yadnya

Pawos 48

(1) Manusa yadnya inggih punika upacara —upakara dharmaning kahuripan manusa ngawit saking patemoning kama bang kalawan kama petak ring sajeroning garbha jantos kalayu sekaran riwekas.

(2). Upacara kadi ring ajeng madudonan sakadi ring sor :

- ha. Magedong-gedongan;
- na. Duk sang kama reka medal;
- ca. Kepus odel;
- ra. Roras rahina;
- ka. Tutug kambuhan (42 rahina);
- da. Tigang sasih;
- ta. Pawetuan / oton / odalan (6 sasih);
- sa. Tutug kelih (ngraja swala wadone, ngembakin lanange);
- wa. Matatah/ mapandes;
- la. Mawiwaha;
- ma. Mawinten.

(3). Upacara-upakara inucap nista, madia, utama manut sestra Agama saha catur dresta.

Palet 5
Indik Bhuta Yadnya
Pawos 49

(1). Bhuta yadnya inggih punika upacara-upakara byakala ring Pratiwi lan Kahyangan, sarwa prani saha upacara-upakara ring babuthan miwah ring piranti sewosan.

(2). Upacara pabyakala ring sarwa prani, sarwa tumuwuh muwang piranti luwire :

- ha. Ring sarwa lelandep rikala Saniscara Kliwon wara Landep;
- na. Ring sarwa tumuwuh lan piranti rikala Saniscara Kliwon wara Wariga;

- ca. Ring sarwa syandana/ wahana rikala Saniscara Kliwon wara Kuningan;
- ra. Ring sarwa lelanguan rikala Saniscara Kliwon wara Krulut;
- ka. Ring sarwa ingon-ingon / wewalungan rikala Saniscara Kliwon wara Uye;
- da. Ring sarwa ringgit, ukir-ukiran rikala Saniscara Kliwon wara Wayang;
- ta. Upacara pakala-kalan manusa manut widana , kabawos pabyakala.

(3). Upacara pabyakala ring Pratiwi , Kahyangan lan Babuthan kawastaning macaru.

(4). Pacaruan inucap ring ajeng nista, madiu, utama manut wiguna kadi ring sor :

- | | |
|------------------|------------------|
| ha. Ekasata; | ra. Resi Gana; |
| na. Panca sata; | ka. Tawur agung; |
| ca. Panca sanak; | da. Panca kelud. |

(5). Sajawaning sakadi ring ajeng kawentenang upakara;

- ha. Masaiban utawi yadnya sesa nyabran wusan ngarateng;
- na. masapuh-sapuh rikala pacang wali ring pura
- ca. Pacaruan pasasihan kalaksanayang nangken tilem / kajeng kliwon ngawit
sasih ka 5, 6, 7, 8 lan ka 9 sajawanin wenten durbiksan jagat

Pawos 50

(1). Nangken ngawarsa rikalaning tilem Kasanga kawentenag Tawur kasanga kalanturang antuk grupuk maka cihna pacang mapag rahina panyepian benjangne.

(2). Brata panyepian sane kamargiang olih krama Desa :

- ha. Amati geni, tan kengin maapi-api;
- na. Amati karya, tan kengin nyambut karya;

ca. Amati lelangan, tan kengin maoneng-onengan suara gora lan
sapanunggalannya;

ra. Amati lelungan, tan kengin malalungayan.

- (3). Paberatan inucap kamargiang saking semeng ngantos semeng benjangne raris
kasuarayang kulkul punika cihna pangembak.
- (4). Sang mamurug kecap ring ajeng keni pamidanda manut pararem kamargiang olih
patelik (pacalang desa).
- (5). Riwus rahina Nyepi, benjangne maka cihna pangawit Icaka warsa, patut soang-
soang warga Desa madharma canti.

PANCAMA SARGAH SUKERTA TATA PAWONGAN

Palet 1

Indik Pawiwahan

Pawos 58 /

- (1). Pawiwahan inggih punika patemoning purusa kalewan pradana malarapan
panunggahan kayun suka lila kadulurin upasaksi sakala niskala.
- (2). Pamargin pawiwahanne luire :
 - ha. Papadikan, kamanggala antuk pakrunayan;
 - na. Ngarorod, marangkat riyin wawu kaktunayang;
 - ca. Nyeburin utawi sentana nyeburin (risampun nganutin upakara pamerasan).
- (3). Pidabdab sang pacang mawiwaha patut
 - ha. Sampun munggah deha teruna (bilih sida nganutin undang-Undang saking
sang ngawawenang;

- na. Sangkaning pada lila (tan kapaksa);
 - ca. Nganutin kecap sastra Agama (tan gamia gamana);
 - ra. Kasudi wadani prade pangambile tios Agama;
- (4). Pamargin pawiwahan mangda taler nganutin Undang-Undang perkawinan sakeng sang ngawawenang.

Pawos 52

- (1). Pawiwahan sane kapatutang ring Desa, sakadi ring sor :
- ha. Sampun kamargiang pabyakalan utawi pasakapan kamanggehang antuk tri saksi;
 - na. Wenten pasaksi Prajuru / Dulu-dulu sane mapakelingang utawi ngilikitayang pawiwahan;
 - ca. Pawiwahan inucap ring ajeng sampun kacatctang ring sang ngawawenang.
- (2). Parabian sane tan manut kadi ring ajeng sianggeh tan patut (tan sah).

Pawos 53

Tata caraning prabian patut sakadi ring sor :

- ha. Sapa sira ugi pacang ngawarangang pakulawargania patut masadok ring Prajuru, salanturnya Prajuru maritatas manut tan manut kakceap parabiane;
- na. Pamargin papadikan manut dudonan :
 - 1). Pakrunayan jantos ping tiga, utawi manut pada lila
 - 2). Risampun puput raris sang istri kaajak budal ring pakubon sang lanang, saha kalanturang antuk pabeyakalan;

- 3). Mangda pragat tumus sakala niskala, raris kulawarga purusa makta pajati ring mrajan wadone

ca. Prade ngarorod / marangkat patut :

- 1). Reraman lanange ngawentenang pamilaku antuk duta sakirangnya kalih (2) diri;
- 2). Pagenahan antene tan kengin ring pakubon sang lanang sadereng mabeyakala.

ra. Sajeroning pakrunan / pangalukuan patut :

- 1). Kamanggala antuk geng pangampura arep ring reraman wadone;
- 2). Kaigumang bawos idih-pakidih utawi palegayan arep ring pasewakan sang ngidih saha dewasa pakerabkambeyane riwekas;
- 3). Kacihnayang indik kapurusa utawi prade sentana rajeg kajejerang kapatut ngidih anak lanang sane kabawos pawiwahan nyeburin, tur risampun sulur pamerasan kategepin kamanggehang sentana nyeburin;
- 4). Prade tan terima pajati pakrunan kamargiang jantos ping tiga.

ka. Pakerab kambeyan mapiteges upacara tinas apadang (puput) mapikuren, dwaning manut sakadi ring sor :

- 1). Sajeroning kabawos ambe, kalaksanayang ring sakala niskala antuk serana jejauman miwah pawidi widana ;

ha. Jejauman pinaka ngambe / ngadungang kayun soang-soang pakulawargan wadone;

na. Widi widana pinaka pajati niskala nunas wadone ring pamrajanja.

2) Sajeroning bawos kerab palaksana ring sakala :

ha. Antuk panyaksi krama banjar, dwaning kakerabang antuk tengeran
kukul;

na. Pamekas panyaksi Prajuru / Dulu-dulu sane ngilikitayang.

Palet 2

Indik Nyapian

Pawos 54

- (1). Parabian prasida kawusang malarapan antuk palas parabian utawi kapademan.
- (2). Wusan makurenan riantukan sinalih tunggil seda mapiteges balu, sakadi balu
lanang / istri.
- (3). Palas parabian sangkaning mawiwit wicara.
- (4). Sang ayat palas parabian patut atur supeksa pailikitan riya ring sang rumawos,
wastu tinas apadang pamutuse kabawos nyapian wawu prajuru nyiarang
nyobyahang kawentenannnya ring Desa saha keni pamelin suaran kukul manut
pararum.

Pawos 55

Tata cara palas parabian sakadi ring sor :

ha. Nawur prabeya pasaksi-sinalih tunggil sami matenga;

na. Pagunakayan polih pahan pada;

ca. Pabekel, tadatadan soang-soang kakuasa niri-niri miwah warisan kakuasa olih
purusa;

ra. Mangupadyaya miwah pangupa jiwa pratisentana manut swadarmaning guru
rupaka;

- ka. Nawur pamidanda panumbas swaran kulkul manut pararem;
- da. Ngelung jinah logika Prajuru.
- ta. Mapamit ring Pamrajan lanange.

Pawos 56

Prade riwekas sang palas kacihnann adung malih patut :

- ha. Ngalaksanayang pawiwahan malih;
- na. Kadanda nikel saking palase;

Pawos 57

(1). Sang balu kacihnayang dados :

- ha. Balu tan wit sentana (sentana rajeg) miwah balu luh boya sentana;
- na. Balu muani kapurusan (wit sentana) miwah balu muani nyeburin (boya sentana)

(2). Swadarmaning balu inucap patut :

- ha. Ngamanggehang pati brata tan kengin ngamargiang paradara /
daratikrama;
- na. Nguasayang makidihang lan siosau punika, sajawaning kabebasan sakeng
pianak utawi kulawarga pinih tampek saking kurenannya prade pianak
kantun alit-alit;
- ca. Kengin ngidih sentana prade wenten pidat-dab sadurung sinalih tunggil
padem, saha kabebasan olih kulawarga sinanggeh kapurusa;

ra. Kawenangang mawiwaha malih, prade wenten kabebasan manut angka /
aksara ring ajeng.

Pawos 58

Balu kaucap tan pageh sakadi ring sor :

ha. Daratikrama utawi paradara;
na. matilar saking pakubon tan pasadok jantos 6 (enem) sasih;
ca. Lempas ring swadarma sewos-sewosan, tan prasida ngeschin solah
maprawerti arep ring pituduh sane patut saking kulawarga purusa.

Palet 3

Indik Sentana

Pawos 59

- (1). Sentana wenten kalih pawos, sane kaucap pratisentana miwah sentana paperasan.
- (2). Pratisentana inggih punika sentana sane metu saking pawiwahane kapatut.
- (3). Prade pawiwahane tan kapatut ngawetuang sentana, mangda tan kanton
kawastanin babinjat utawi astra yogya kamanggala antuk panyangaskara
paperasan.
- (4). Prade pawiwahane tan ngawetuang sentana kengin ngidih sentana antuk upasaksi
sakala niskala sane kawastanin sentana paperasan.
- (5). Sentana rajeg inggih punika, pratisentana wadon (pradana) sane kamanggehang
lanang (purusa) tur risampun ngalaksanayang pawiwahan nyeburin.
- (6). Sang sane dados kaarsayang sentana rajeg inucap wiwit (5) inggih punika :
ha. Pratisentana wadon tunggal;

- na. sampun kamanggehang dados pratisentana lanang (purusa).
- ca. Kapawiwahang kaceburin, kautamayang olih jadma sane maagama Hindu, utawi jadma sane maagama liosan sane sampun ngalaksanayang pamarisuda raga utawi sudiwadani.
- ra. Sane manggehang sentana rajeg patut mapasadok ring I Prajuru Banjar, tur I Klian banjar nyiarang / nyobyahang ring Banjar saha ngaturang ring Bendesa Pakraman .

Pawos 60

- (1). Ngangkat sentana manut dudonan patut makacihna arta brana pamerasan sane kasaksiang sakala niskala.
- (2) Sapa sira ugi Krama pacang ngidih sentana patut masadok ring Klian Banjar sanistane 3 sasih sadereang paperasan. Klian Banjar ngalanturang pakarsa punika ring Bendesa Pakraman. Bendesa Pakraman ngalanturang ring sang ngawawenang.
- (3). Klian Banjar nyiarang ring wawidangan Desa, sang sapa sira ugi rumasa tan lila mangda nyadokang masengker kalih wuku (14 rahina) sabanen pamerasan ring Bendesa pakraman.
- (4). Prajuru / Dulun Desa digelis mawosin saha ngicenin pamutus nepek ring catur dresta miwah pararem.
- (5). Prade sulur paperasan tan manut kadi kecaping ring ajeng, Dulun Desa wenang ngandeg sang pacang makarya, saha ngicenin panuntun mangda kapuputang riya behawos sulur utawi wicaranya.
- (6). Wenten ilikita sang ngawawenang.

Pawos 61

(1). Paperasan sane kaputut ring Desa risampun makacihna:

ha. Widi widana pamerasan;

na. Kasaksinin olih prajuru desa sane makelingang utawi ngilikitayang.

ca. Kasobyahang ring wawidangan Desane.

(2). Sane kaputut kaperns angge sentana kadi ring sor :

ha. Jatma maagama Hindu;

na. Papernahan nedunang saking sang meras;

ca. Kulawarga saking purusa, prade tan wenten kengin saking wadon yening
taler tan wenten wadu kengin sakama-kama (saking kayun).

ra. Kasnatang saking waris pancer kapurusa.

ka. Sinalik tunggal marwut saking kulawarga tunggal sanggah utawi mrajan,
parbon, lan dadas utawi ngambilin anak tios sakewanten sang maagama
Hindu.

(3). Kengin ngangkat sentana langkungan ring adiri, lanang wiadin wadon prade
ngangkat sentana lanang wadon nenten dados kapawiwahang.

Pawos 4

Indik Warisan

Pawos 62

(1). Warisan nggih panika utaman ora brana saha ayah-ayahan ngupadi kasukertan
sakala nikala saking kalahurama arep ring turunannnya.

(2). Kang utunggih warisan lara:

ha. Due tengah, sakadi tegal / karang ayahan Desa, kahyangan, pusaka siwa
pakarana, lsp.

na. Pamrajan.

ca. Pagunakayan, tadtadan / jiwa dana, hutang-piutang.

(3). Wawu kengn kabawos warisan prade wenten :

ha. Sang mapiturun

na. Katurunan (ahli waris)

ca. Arta brana miwah tategenan (ayah-ayah) makacihna warisan.

Pawos 63

(1). Ahli waris luire :

ha. Pratisentana purusa;

na. Pratisentana pradana (sentana rajeg)

ca. Sentana paperasan lanang / wadon.

(2). Prade tan wenten sakadi ring ajeng, kang sinanggech ahli waris :

ha. Turunan purusa pernah ngunggehang, rerama lanang, pekak salanturipun

rerama misan mindon;

na. Turunan purusa pernah kesamping makadi kaponakan misan miwah
mindon.

Pawos 64

Swadhamuning ahli waris patut :

ha. Nerima saha nguasayang tetamian pahan saking kaluhurania, makadi ngarempo sanggah, pura saha pangupakarania miwah nyeledihin ayah-ayahan pawaris;

na. Ngabenang pawaris saha ngalanturang upacara-upakara pitra;

ca. Nawurin hutang-utang pawaris.

Pawos 65

Pangepahan waris manut sakadi ring sor :

ha. Risampun kalaksanayang pitra yadnya lan hutang-hutang pawaris buntas katawur.

na. Para ahli waris polih pahan pada sangkaning pagunakayan , sajabaning karang / tegal ayahan desa kaamong olih ahli waris kang sianggch krama ngarep.

ca. Sinalih tunggil ahli waris kengin tan polih pahan prade :

1). Nilar kawitan lan sesananing Agama;

2). Alpaka guru rupaka;

3). Sentana rajeg kesah mawiwaha utawi pratisentana nyeburin soang-soang kabawos ninggal kadaton

ra. Boya ahli waris kengin muponin hasil manut dudonan , luire :

1). Sentana juh, salami dereng kesah mawiwaha utawi tan alpaka guru;

2). Mulih deha utawi teruna, riantukan ring pawiwahane pecak sampun kabawos ninggal kadaton;

3). Bala juh wiadin muani nyeburin (soang-soang boya sentana);

- 4) Prade madrebe pianak tan kaangkenin olih sang tua rare inucap, kengin ngawaris wantah pikolih (pagunakaya) sentana luh inucap kemawon.
- ka. Pawaris kengin maweweh rikala maurip pinaka jiwa dana, tadtadan / bekel , maka cihna paweweh tetep ring pianak sane kesah mawiwaha.

Pawos 66

- (1) Prade sajeroning pakulawargan wenten ahli waris langkungan ring adiri patut :
- ha. Kawentenang paiguman indik pedum waris inucap :
- na. yan tan prasida katunasang tatimbang ring Dulu-dulu (kerta desa);
- ca. Prade taler tan wenten cumpu ring panepas kerta Desa, kengin katunasang ring sang rumawos.
- (2). Prade karang inucap kaputungan, patut prajuru / dulu dulu nibakang ring :
- ha. Sang sinanggeh ahli waris manut pawos 63
- na. Sang kengin anggen sentana manut pawos 61 (2) miwah (3).
- ca. Prade taler tan wenten cumpu ring panepas kerta Desa, kengin katunasang ring sang rumawos.
- (3). Prade jantos karang desa kepah utawi kasepih, patut soang-soang nedunin makrama Desa marep.

**SAT SARGAH
WICARA LAN PAMIDANDA
Palet 1
Indik Wicara
Pawos 67**

- (1). Sane yenang mawosin makadi mutusang wicara ring desa inggih punika Prajuru sinanggeh kerta Desa.

(2). Tata dudonan mawosin saha muputang wicara warga desa, kadi ring sor :

ha. Kaping ajeng kabawosin olih Klian Banjar

na. Tan cumpu ring panepase klian Banjar karerehang pamutus ring paruman Banjar.

ca. Prade tan cumpu ring pamutus banjar, katunasang ring Bendesa lan kerta desa.

ra. Taler tan wenten cumpu ring pamutus Bendesa lan kerta desa katunasang ring paruman desa Pakraman.

(3). Prade sang mawicara tan wenten cumpu ring pamutus paruman desa lan kerta desa, kengin nunasang wicara inucap ring sang rumawos.

Pawos 68

(1). Sahanan wicara mawiwit kacorahan sakaluire sinanggeh nungkasin daging awig-awig, pararem miwah paswara patut digelis kabawosin tan nyantos pasadok sang nunas bawos.

(2). Sajaba wicara kadi ring ajeng patut nyantosang pasadok sang nunas bawos.

(3). Panepase patut pastika nyantenang iwang patut malarapan Tri Pramana (saksi, ilikita, bukti) miwah tan maren nepek ring Catur Dresta.


Palec 2 Indik Pamidanda Pawos 69

(1). Desa / Banjar wenang niwakang pamidanda ring warga Desa / Banjar sane sisip;

(2). ~~Paniwak inucap kalaksanayang~~ oli Bendesa / Klian banjar ;

(3). Bacakan pamidanda luire :

- ha. Ayahan penukun kasisipan;
- na. Danda arta;
- ca. Kanoroyang;
- ra. Panyangaskara.



(4). Pamidanda sane katiwakang patut masorsinggih manut ring kasisipane.

(5). Jinah utawi raja brana pamidanda ngranjing dados druwen Desa / Banjar.

Pawos 70

(1). Krama sane langkungan ring tigang paruman ngalantur tan naur urutan miwah dadandan wenang karampag.

(2). Rerampagan ngangge tata cara kadi ring sor :

ha. Kalaksanayang olih Dulu kasarengin olih krama saakeha tigang diri maka saksi;

na. Sang ngarampag sangkaning darsana ngambil barang utawi nyawenin ~~manen~~ tumbuh, akehnya manut ring hutang sang karampag. Sang karampag sangkanin lila nyukserahang barangnya pinaka wala.

ca. ~~Pajara~~ / Dulu miteketang mangda barang-barang sane karampag digelis ~~lambur~~, masenger 7 rahina ring 8 rahinane pecang kaadol;

ra. ~~Manunggalin~~ saluwir barang sane patut inggilang manut Agama miwah tan ~~manunggalin~~ jiwa sang karampag.

Pawos 71

- (1). Prade sang pacang karampag ngawara (ngalangin) pelaksanaan inucap marwastu sampun tan nganutin awig-awig Desa wenang karang Desa sane kagenahin kadaut olih Desane.
- (2). Samaliha yan purun taler ngalangin palaksanaan kadi ring ajeng tan wenten pamargi sajawaning kasepekang olih Krama Desane.
- (3). Pamidanda inucap ring ajeng keni buntas risampun sang kakeninin;
 - ha. Nunas geng pangampura ring Krama desa niantukan nguak pasubaya (pararem) pecak;
 - na. Nawur pangargan panguwak pasubayane duk pacang karampag kadulurin prayascita penyapsap kaiwangane ring Desa.

SAPTAMA SARGAH
NGUWAB-NGUWUBIN AWIG-AWIG

Pawos 72

- (1). ~~Ngawab~~-nguwuhin awig-awig Desa puniki kalaksanayang antuk paruman Desa.
- (2). ~~Awig-awig~~ puniki kamargiang ngawit kaingkupin kararemin.

Pawos 73

- (1). ~~Sadaging~~ ~~sane~~ wenten saderegnya patut kaanutang ring sadaging awig-awig

- (2). Sakaluwiring sane during kabawos sajeroning awig-awig puniki patut kalaksanayang manut tata cara sane sampun mamangi kadulurin antuk pararem-pararem.

ASTHAMA SARGAH

SAMAPTA

Pawos 74

- (1). Awig-awig puniki kararemin duk rahina, Saniscara Umanis Watugunung, Sasih Kapat, leaka 1913, Tanggal 5 Oktober 1991 ring Bale Desa Silungan.
- (2). Awig-awig punika kalingga tanganin olih Bendesa lan Prajuru Pakraman kasarengin Klian Banjar lan para Petajuh utawi Dulun Desa, saha kasaksinin olih Prajuru Dinas pinaka saksi.
- (3). Luir sang ngalingga tanganin :

ha. Kapertama Prajuru Dulun Desa :

1. Bendesa Pakraman

(Drs. I Wayan Budiarta)

2. Penyarikan

(I Wayan Nami Artha)

3. Kelihaan Pakraman Silungan

(I Wayan Gunastha)

4. Klian Suka Duka Hr. Silungan

(Dede Made Sartika)

na. Petajuh Dusun Banjar Silungan



(Gde Raka Bawa)

2. Petajuh Dusun Tempek Kaler

(I Ketut Bawa)

3. Petajuh Dusun Tempek Kelod

(Dewa Made Sartika)



4. Kepala Desa Lodsunduh

(Drs. I Wayan Budiarta)

5. CAMAT UBUD

DRS. IDA BAGUS NGURAH GEDE

Mengetahui dan telah dicatatkan

Pada tanggal : 17 Desember 2002
Nomor : 34 Tahun 2002



BUPATI GIANYAR

I. J. KORDA GDE BUDI SURYAWAN, SH.